



Trg pravde 12, 76100 Brčko distrikt Bosne i Hercegovine; tel: 049/216-199; fax: 049/216-194; mail: admin@osbd.ba

Broj: 96 0 Pr 067477 13 Pr
Brčko, 05.02.2014. godine

Osnovni sud Brčko Distrikta BiH, po sudiji Tabaković Nedeljku u prekršajnom postupku protiv okrivljenih EVROPSKI UNIVERZITET BRČKO DISTRIKTA BIH i ZORANA MILOŠEVIĆA, zbog prekršaja iz člana 154. i člana 33. stav 1. Zakona o visokom obrazovanju u Brčko distriktu BiH, na usmenom pretresu u prisustvu okrivljenih EVROPSKI UNIVERZITET BRČKO DISTRIKTA BIH zastupan po punomoćniku Mirku Kuliću prorektor Univerziteta i ZORANA MILOŠEVIĆA odg. lica u pravnom licu, dana 05.02.2014. godine, sud donosi:

RJEŠENJE

OBUSTAVLJA SE PREKRŠAJNI POSTUPAK PROTIV okrivljenih EVROPSKI UNIVERZITET BRČKO DISTRIKTA BOSNE I HERCEGOVINE i ZORANA MILOŠEVIĆA zbog prekršaja iz člana 154. i člana 33. stav 1. Zakona o visokom obrazovanju Brčko distrikta BiH.

O b r a z l o ž e n j e

BIH BRČKO DISTRIKT BIH VLADA BRČKO DISTRIKTA BIH ODJELJENJE ZA OBRAZOVANJE je podnijela zahtjev za pokretanje prekršajnog postupka broj: 37-000523/13 od 24.07.2013. godine protiv okrivljenih EVROPSKI UNIVERZITET BRČKO DISTRIKTA BIH i ZORANA MILOŠEVIĆA odg. lica u pravnom licu, zbog prekršaja iz člana 154. i člana 33. stav 1. Zakona o visokom obrazovanju Brčko distrikta BiH.

Sud je zakazao usmeni pretres za dan 05.02.2014. godine u 13.00 sat: za koji usmeni pretres su uredno obaviješteni podnosilac zahtjeva za pokretanje prekršajnog postupka BiH Brčko distrikt BiH Vlada Brčko distrikta BiH Odjeljenje za obrazovanje i okrivljeni Evropski univerzitet Brčko distrikta BiH i Zoran Milošević odg. lice u pravnom licu.

Na usmeni pretres dana 05.02.2014. godine uredno su se odazvali okrivljeni EVROPSKI UNIVERZITET BRČKO DISTRIKTA BIH zastupan po punomoćniku Mirku Kuliću, prorektor Univerziteta i ZORAN MILOŠEVIĆ odg. lice u pravnom licu, dok predstavnik podnosioca zahtjeva za pokretanje prekršajnog postupka nije se odazvao na poziv suda iako je uredno obaviješten o danu, času i mjestu održavanja usmenog pretresa iako je dostava za istog bila uredno iskazana (podnosilac zahtjeva je poziv za usmeni pretres primio dana 13.01.2014. godine o čemu postoji dostavnica u spisu suda) a svoj izostanak nisu opravdali odnosno nisu tražili odlaganje usmenog pretresa ukoliko su imali opravdane razloge za nedolazak na usmeni pretres a imali su dovoljno vremena jer podnosilac zahtjeva je poziv za usmeni pretres primio dana 13.01.2014. godine dakle na 23 dana prije održavanja usmenog pretresa, pa je stoga sud i odlučio kao u dispozitivu ovog rješenja a u smislu člana 47. Zakona o prekršajima Brčko distrikta Bosne i Hercegovine.

Troškovi prekršajnog postupka padaju na teret budžetskih sredstava a na osnovu člana 189.st.1.ZKP-a Brčko distrikta BiH.

PRAVNA POUKA:

Protiv ovog rješenja može se izjaviti žalba
Apelacionom sudu Brčko distrikta BiH u roku od
8. dana od dana prijema istog a putem ovog Suda

